



Nunanut allanut tunngasutigut naalackersuinikkut ingerlatsineq pillugu nassuiaat 2018

(Ilinniartitaanermut, Kultureqarnermut, Ilageeqarnermut Nunanullu allanut Naalackersuisoq)

Nunanut allanut tunngasutigut naalackersuinikkut ingerlatsineq pillugu sukumiisumik nassuiaat pillugu, Demokraatini misissorluarsimasarput, Naalackersuisut aallaqqaammut qutsavigerusuppakka.

Isumaqarpugulli Inatsisartuni nassuiaatip oqallisiginissaa asuli piffissaajaataassasoq. Isumaqarpugut nassuiaat siunissami Inatsisartuni ilaasortanut agguanneqartalersuuppat naammassagaluartoq, nassuiaatimmi aallat eqqarsaatigalugit taamatut iliortareerpugut.

Qulequtaq manna pillugu takisuuliornanga paarlattuanik piffissaq manna iluatsillugu 2018-mut Nunanut allanut tunngasutigut Naalackersuisuinikkut ingerlatsineq pillugu nassuiaammut tunngasunik arlalinnik Naalackersuisunut apeqquteqarniarpunga:

1. Naalagaaffiit allat qarasaasiaq atorlugu atortorissaarutinik innarliiniartarnerat naliginnaaleraluttuinnarpoq. Tamanna pinaveersimatinniarlugu Naalackersuisut sunik iliuuseqarniarpat aamma Naalackersuisut isumaat naapertorlugu nunami maani taamatut saassunneqarsinnaanerput qanoq ilimanaateqartigaa?
2. Naalackersuisut nalilernerlugu ukiut kingullit ingerlanerani naalagaaffiit takornartat umisarsuaataat aqqartartuutaallu amerlialuttuinnartut imartatsinnut annguttarsimasut aamma Naalackersuisut tassunga atatillugu danskit naalagaaffiannut saaffiginissuteqassamaarpat nakkutilliinerulernissaa anguniarlugu?
3. Kalaallit inuusuttut Danmarkimi sakkutuunngortarnissaat soqutigineqaraluttuinnarpoq tamannalu Demokraatini pitsaasutut isigaarput. Suliniutit suummita Naalackersuisut aallartinniarpaat Danmarkimi sakkutuutut ilinniarnissamat periarfissaaq pitsaasut takkuttut pillugit nunatsinni inuusuttut qaammarsarumallugit?
4. Reykjavikimi nunatta aallartitaqarfiata ammaqqammernera pillugu Naalackersuisut saqqummiussaminni ilaatigut ima allapput:

“Politikkikkut aamma niuernikkut attaveqarfitta ineriartorteqqinnissaat nukittorsarnissaallu, inuiaqatigiit aningaasaqarneranut Kalaallit Nunaannut iluaqutaasussanngorlugu ineriartortinnissaa nukittorsarnissaanullu sinnisoqarfittarput kivitseqataalluni suleqataassaaq. Tassani immikkuullarissutut atortulersuutitigut, tassani silaannakkut imaatigullu suleqatigiinnerup nukittorsarneqarnissaa Naalackersuisut naatsorsuutigaat, aammali aalisarnerup tungaatigut, takornariaqarnermut



sanaartornernullu annertusisatut suleqatigiiffiusinnaasut nukittorsarneqarnissaat naatsorsuutigilluinnarlugu."

Oqaatsit kusanaraluaqaat, kissaatigaarali tigussaanerussasut . USA-mi ukiuni arlalinni aallartitaqarfeqareerpugut aamma aallartitaqarfiup taassuma qanoq ineriartoqqissimanera kiisalu USA-mut politikkikkut niunernikkullu attavigut nukittorsarneqarsimanersut taamatullu inuiaqatigiit aningaasarsiornerannut sutigit iluaqutissarsivigisimaneripput annerusumik tusarfigissallugu soqutigaara? Apeqqutit taakku akinerisigut Naalakkersuisut Reykjavikimi aallartitaqarfiup kingunissaatut naatsorsuutigisamik tutsuviginassusaat uppersarsarnerusinnaalissavaat.

5. § 37 naapertorlugu apeqqummut 2017-285-mut akissumminni Naalakkersuisut nassuiarpaat soq Tunumiik Danmarkimi ilaqtutanut ikinngutinulluunniit arferup neqaanik nassuiussisoqarsinnaannginnersoq. Naatsumik oqaatigalugu, uumasut nungutaanissaminut ulorianartorsiortut nioqputigineqarnerat pillugu Washingtonimi isumaqatigiissut naapertorlugu taamaallaat tikaagullit neqaat Kitaaneersoq avammut nioqputissiarineqarsinnaavoq (CITES). Naalakkersuisut suliniutit suut aallartinniarpaat qularnaarumallugu tikaagulliuq neqaata Tunumeersup nunani allani ilaqtutanut ikinngutinullu nassiunneqarsinnaanngornissaa?

Soorunami uani saqqummiussatsinni apeqqutitta akineqarnissaat naatsorsuutigaarput.

Taamatut oqaaseqarluta Nunanut allanut tunngasutigut naalakkersuinikkut ingerlatsineq pillugu nassuiaat 2018 tusaatissatut tiguarput.